

SARS E ANANELA KAHLOLO YA LEKGOTLA LE PHAHAMEMNG E MABAPI LE MONG. ROUX SHABANGU

Tshwane, 18 Mphalane 2024 - Khomishenara wa Ditshebeletso tsa Lekgetho tsa Afrika Borwa (SARS) Mong. Edward Kieswetter o ananetse qeto ya Karolo ya Lekgotla le Phahamemng la Gauteng North le dumellaneng le hore Mong. Ngwane Roux Shabangu o jara boikarabelo mabapi le ho ho hloleha ho lefa SARS makgetho a salletseng morao ao a a kolotang le a kolotuwang ke ditheo tse amanang le yena. Mong. Shabangu o na le dikgahleho tse fapaneng tsa kgwebo indastering ya kaho le ho ya matlo.

Ka mora mekutu ya nako e telele le e neng e sa fele ka SARS ho bokella lekgetho le salletseng morao ho tloha ka 2019 le ho leka ho thibela ho qhalwa ha thepa, e leng se neng se ka nyahamisa maiteko a pokello e tletseng ya lekgetho le lokelang ho leshwa, SARS e ile ya etsa kopo ya Taelo ya Poloko ho latela dintlha tsa Karolo ya 163 ya Molao wa Taolo ya Lekgetho, Molao wa 28 wa 2011. Taelo ena ya poloko e ne e tobile *Majestic Silver 275 (Pty) Ltd*, eo e leng khampani e ka sehloohong ya matlo le e laolang e neng e sebediswa ke Mong. Shabangu mmoho le le ke Mong. Shabangu ka seko mmoho le lelapa la hae jwalo ka ditho tsa thraste ya lelapa e bitswang *Roux Shabangu Family Trust*.

Ho se bonahalang eka ke tiehiso ho thibela hore ho fanwe ka Taelo ya Poloko, *Majestic Silver 275 (Pty) Ltd* e ile ya etsa kopo ya hore e mpe e fumantshwe pholoso ya kgwebo mme sena se ne se tla etsa hore ho kginwe mekutu kaofela ya molao e kgahlano le khampani ena hang feela ha ho qala mekutu ena ya pholoso ya kgwebo.

SARS e ile ya hanana le boiteko bona ba pholoso ya kgwebo mme ka Hlakola 2023, e ile ya fumana Taelo ya Poloko e ileng ya tlosa morathoriamo o teng ho latela dintlha tsa karolo ya 133 ya Molao wa Dikhampani wa 71 wa 2008 mme sena sa tswela SARS molemo mme hwa kgethwa Mohlokomedi ho ba taolong ya ditabatabelo tsa *Majestic Silver 275 (Pty) Ltd*, Mong. Shabangu mmoho le ditho tsa lelapa la hae jwalo ka Batshepuwa ba *Roux Shabangu Family Trust*.

Ka Mmesa 2024 SARSe ile ya fumana Taelo ya makgaolakgang ya Poloko kgahlano le *Majestic Silver 275 (Pty) Ltd* mmoho le ba bang ba ikarabellang. Mekutu ya pholoso ya kgwebo ya *Majestic Silver 275 (Pty) Ltd* e ile ya qhelelwa ka thoko mme ya fediswa.

Ho ile ha ba ha etswa qeto ya ho kenya dikopo tsa ho qala ka diketso tsa ho fetolela thepa ya dikhampani tsa Mong. Shabangu tjheleteng le ho qala ka mekutu ya kgapo e molaong ya thepa ya Mong. Shabangu le *Roux Shabangu Family Trust* moo e leng Motshepuwa teng, ho latela dintlha tsa Karolo ya 177 ya Molao wa Taolo ya Lekgetho, Molao wa nomoro ya 28 wa 2011.

Ka Loetse 2024, dikopo ka bobedi tsa ho fetolela thepa tjheleteng le kgapo e molaong ya thepa di ile tsa tekwa pela Lekgotla Le Phahameng la Gauteng North. Ka mora ho sekaseka taba ena, Lekgotla le ile la diha kahlolo ya makgaolakgang ya ho fetolelwa ha thepa tjheleteng bakeng sa khampani e le nngwe le ditaelo tse tharo tsa nakwana kgahlano le khamapni e nngwe, Mong. Shabangu le lelapa la hae jwalo ka Batshepuwa ba *Roux Shabangu Family Trust*.

Khomishenara ya SARS Mong. Edward Kieswetter o boletse hore “*diphetho tsa dikopo tse ka hodimo ke mohlala wa maikemisetso a SARS ho phunyelletsa mekutu e patehileng ya tsa kgwebo ka sepheo sa ho phethahatsa thomo ya rona ya molao ya ho bokella tjhelete yohle e kolotuwang mokotla wa mmuso. Hwa bohlokwahlokwa, taelo ya kgapo e molaong ya thepa e entsweng kgahlano le Thraste ke ya bohlokwa haholo ka ha e toboketsa maiteko a ntseng a tswela pele a SARS a ho phethahatsa boikobelo ba tefo ya lekgetho kgahlano le Dithraste tsa boikgethelo tseo hangata di neng di sebediswa jwalo ka meritaoke ya ho qoba makgetho. SARS e keke ya tsilatsila ho sala bohle morao ntle le tshabo, leeme kapa ka tsela e inkelang diqeto. Ke tshepa hore kopo ena e tla nyahamisa bohle ba ikemiseditseng ho latela tsela ena*”

Ho fumana lesedi le fetang lena, ka kopo ikopanye le SARS ka

SARSMedia@@sars.gov.za